

NORMATIVA XERAL DE WÁTER-POLO

Tempada 2011 - 2012. Circular 11-36.

A seguinte normativa será de aplicación para todas as competicións territoriais

1.- PARTICIPACIÓN.

1.1.- A participación está aberta a todos os clubs inscritos á FEGAN.

1.2.- Os clubs están obrigados a comunicar á FEGAN 15 días antes da celebración da Asemblea Xeral, para configurar un calendario deportivo de wáter-polo o máis aproximado á realidade, o seguinte:

- Con cantos equipos e en que competicións ten previsto participar.
- Se está de acordo en agrupar nunha mesma xornada as distintas categorías e de que xeito. Recórdase que este punto só se fará efectivo a condición de que estean os dous clubs afectados de acordo.

1.3.- Os clubs que non se inscriban nos prazos establecidos quedarán automaticamente excluídos.

2.- ALIÑACIÓNS.

2.1.- Os clubs facilitarán á mesa o ANEXO 1 debidamente cumprimentado, co número de gorro xunto co carné dos deportistas que vaian disputar o encontro.

2.2.- Nas actas, e a continuación do nome e apelido (poderá ser INICIAL DO NOME), deberá figurar o ano de nacemento e número de licenza da presente tempada.

2.3.- Os clubs en ningún caso poderán aliñar a un xogador, adestrador ou delegado que se atope cumprindo sanción.

2.4.- A aliñación indebida, será sancionada coa perda do encontro por 10-0, dedución de tres puntos na clasificación e multa de 40 €, sendo esta multa dobrada progresivamente (80 € na segunda infracción a esta norma; 160 € na terceira, etc.) (Regulamento Xeral - Libro III, Art 7.I.1 c e Art. 9.III c). Considérase aliñación indebida:

- Presentar xogadores con idade falsa.
- Presentar xogadores de categoría diferente á establecida.
- Presentar xogadores sancionados.
- Presentar adestradores sancionados.
- Falsear o número de xogadores en idade prevista para cada categoría.
- Delegado non asumible (menor, participante no encontro, etc.).

2.5.- Para considerar correcta a aliñación dun equipo deberán estar presentes un mínimo de sete xogadores para o inicio do encontro.

2.6.- Se se apreciase polo Secretario de Mesa algunha anomalía coa identificación dos xogadores, porao inmediatamente en coñecemento dos árbitros chegando até prohibir a participación do xogador. Devandita irregularidade podería ser; non presentación de acreditación de identidade, manipulación do carné, texto ou selo con riscos (borróns) ou ilexible, non existir similitude entre a foto e o xogador.

2.7.- Calquera incidencia observada polos equipos deberá ser comunicada aos árbitros do encontro para poder apuntala na acta e efectuar as comprobacións pertinentes, podendo o equipo afectado facer a reclamación ou alegación á incidencia até as 14.00 horas do martes inmediato á data de celebración do encontro, a efectos da súa consideración polo Comité de Competición.

2.8.- Non haberá lugar a reclamacións en caso de non facelo nos prazos fixados.

2.9.- A presentación dos equipos antes do comezo de cada partido será competencia do equipo organizador ou do equipo que figure como local.

3. – NON PRESENTACIÓN.

3.1.- A non presentación dun equipo (ou presentación dos seus xogadores sen gorros, balóns ou outros que non permitan a celebración do encontro), levará consigo a perda do mesmo por 10-0, dedución de TRES puntos na clasificación, o abono total do xurado e multa de 200 €, sendo esta multa dobrada progresivamente (400 € na segunda infracción a esta norma, 800 € na terceira, etc.) (Regulamento Xeral - Libro III, Art 7.I.1 c e Art. 9.III c). Así mesmo farase cargo dos posibles gastos de desprazamento realizados polo outro equipo.

3.2.- Só se admitirá a non presentación dun equipo por causa de forza maior (accidente ou avaría durante o desprazamento por parte do medio de transporte, ou situación que orixine o desprazamento do medio de transporte do equipo a un centro sanitario.)

3.3.- Todos os clubs están obrigados a facilitar á FEGAN un número de teléfono onde avisar no caso de que sucedan situacións como as contempladas no punto 3.2 desta normativa. A FEGAN porá en coñecemento de todos os clubs devanditos teléfonos de contacto.

4.- RETIRADAS.

4.1.- A retirada dun equipo unha vez iniciada a competición será sancionada con 300 € (Regulamento Xeral - Libro III, Art 7.I.1 c e Art. 9.III c), dando lugar á non participación deste na tempada seguinte.

4.2.- Se se producise a retirada durante o transcurso dun encontro, darase por finalizado o mesmo co tanteo que figurase no marcador se é favorable ao adversario, (se fose favorable ao equipo que abandona, este será sancionado coa perda do encontro con 10 goles en contra), sempre con dedución de TRES puntos na clasificación ou perda da eliminatoria se o torneo se dispútase por ese sistema, sendo sancionados o Delegado e Adestrador por 4 partidos e multa ao clube de 60 €, debendo abonar o importe total do xurado, independentemente das sancións a que haxa lugar individualmente se se produciron incidentes.

5.- EQUIPOS FILIAIS.

5.1.- O clubs de wáter-polo poderán acordar a constitución dun equipo filial.

5.2.- P equipo principal e o/os equipos filiais non poderán participar en competicións correspondentes á mesma categoría (excepto no caso 5.4.)

5.3.- Si un equipo principal/filial descende de categoría e outro participase nela e este ocupara a praza de ascenso, o equipo que descende baixará de categoría e o que ascende subirá de categoría, anque este sexa o filial.

5.4.- Si se dese o caso de que un equipo descenda de categoría e o outro participase en esta sen ascender, os dous equipos poderían xogar na 2ª División Galega.

5.5.- Ao comezo de cada tempada deportiva, o clube deberá notificar á FEGAN, os xogadores adscritos tanto ao equipo principal como ao equipo filial.

5.6.- Poderán estar adscritos aos equipos filiais, os xogadores que o clube estime oportuno, con independencia da súa idade. Podendo ser mixtos.

5.7.- Os/as xogadores/as que pertencen á categoría xuvenil (nados en 1994 e posteriores), poderán xogar un número ilimitado de partidos co equipo principal.

5.8.- Se un equipo presenta un filial mixto, os/as xogadores/as absolutos/as poderán xogar co equipo principal do seu mesmo xénero (aplicando el punto 5.9.).

5.9.- Os/as xogadores/as (nados en 1993 ou con anterioridade) dos equipos filiais poderán, conservando dita adscrición, xogar no equipo principal ata 2 partidos. A partir da terceira intervención, o xogador pasará a formar parte do equipo principal, non podendo retornar ao equipo filial ata a seguinte tempada. Dita participación deberá ser efectiva, polo que os auxiliares da secretaria arbitral deberán facer constar o feito na acta.

5.10.- Un xogador sancionado polos comités disciplinarios da FEGAN, cumprirá dita sanción na mesma categoría onde se teña producido a infracción.

6.- LICENZAS DE WÁTER-POLO.

6.1.- As licenzas dos xogadores, adestradores e delegados acompañadas do carné federativo en caso de menores de 14 anos sen DNI, e do DNI orixinal ou fotocopia compulsada do meso para os restantes, deberán ser presentadas na FEGAN como mínimo 8 días naturais antes do comezo da competición de cada categoría. Os xogadores que sexan presentados con posterioridade, non poderán xogar até que non aparezan na relación oficial de xogadores.

6.2.- As relacións oficiais de xogadores presentaranse por categorías de idades na FEGAN, e esta deberá acreditálas para a súa presentación aos árbitros en cada encontro. (Este trámite realizarase a través do programa de licenzas da FEGAN).

6.3.- A non presentación da licenza ou relación oficial da FEGAN será sancionada con multa de 6 € por cada un dos xogadores aliñados con esta incidencia.

6.4.- Se se presenta no partido "Licenza en trámite" sen o permiso ou autorización da FEGAN será aliñación indebida.

6.5.- En partidos de categorías infantil e alevín poderán participar deportistas con licenzas de calquera modalidade da FEGAN (natación, sincronizada ou wáter-polo).

6.6.- As rapazas poderán xogar en calquera competición masculina sempre que non haxa a mesma competición en categoría feminina e respectando as idades.

7.- ADESTRADORES.

7.1.- As licenzas de adestradores deberán ser presentadas no mesmo prazo que as dos xogadores, nunha relación aparte.

7.2.- No banco, ademais dos xogadores aliñados no acta, só poderán permanecer o delegado, adestrador, segundo adestrador, médico, ATS e un fisioterapeuta, se os houbese sempre debidamente acreditados, asumindo cada un exclusivamente as súas funcións e sempre que como máximo haxa 10 persoas.

7.3.- Todos os clubs participantes en competicións de wáter-polo da FEGAN deberán ter obrigatoriamente a un adestrador con licenza en vigor segundo as titulacións relativas ás distintas categorías.

8.- CALENDARIOS.

8.1.- O club que solicite un aprazamento, xunto coa solicitude, cuxo modelo se achega, deberá comunicar á Federación a nova DATA, INSTALACIÓN e HORA DE CELEBRACIÓN do encontro que se pretende aprazar. Esta solicitude deberá presentarse na Secretaría da FEGAN con 15 días naturais de antelación á data que figura no calendario oficial. As solicitudes de aprazamento deberán ser remitidas utilizando un medio fidedigno á FEGAN, con copia ao equipo contrario, por Directivo con licenza federativa que se responsabilice. A FEGAN comunicará o aprazamento a ambos os clubs no prazo de 3 días logo de recibir a solicitude.

8.2.- Por causa de forza maior os clubs poderán aprazar partidos fora do prazo establecido (a menos dos 15 días naturais) pero será condición indispensable para o seu aprazamento presentar á FEGAN un certificado asinado por persoal directamente implicado na suspensión do encontro (responsable da instalación) que avale a suspensión do mesmo, reservándose a FEGAN o dereito de admitir ou non o troco.

8.3.- Os partidos afectados por aprazamentos deberían celebrarse nos 15 días seguintes á data inicialmente prevista.

8.4.- Na situación de final de tempada e por motivo dos cruces "play-off" cando os houbese haberá flexibilidade na norma.

9.- DELEGADOS.

9.1.- Será imprescindible que o Delegado de Equipo (maior de idade) presente a licenza correspondente.

9.2.- O club deberá designar Delegado de Campo (maior de idade) cando lles corresponda, significando que o labor do mesmo limitase á súa colaboración co xurado nos puntos específicos que se recollen na presente normativa.

9.3.- O Delegado de Equipo advertirá á mesa quen sinalará os tempos mortos en ausencia do adestrador

(poderá ser segundo adestrador, un delegado ou capitán do equipo), antes do comezo do partido.

9.4.- A ausencia do Delegado de Campo será sancionada con 20 € (Regulamento Xeral - Libro III, Art 7.I.1 c e Art. 9.III c), sendo suficiente a súa acreditación co DNI e o nomeamento do seu clube. Será necesaria para a celebración do partido a presenza dunha persoa física que actúe como delegado de campo e, en caso de non habela, o equipo infractor cargará con todos os gastos (multa, arbitraxes do encontro, así como gastos de instalación se os houbese).

10.- SISTEMAS DE PUNTUACIÓN E CLASIFICACIÓN

10.1.- A puntuación por partido na liga será.

- 3 puntos para o equipo gañador.
- 1 punto para cada equipo, en caso de empate.
- 0 puntos para o equipo perdedor.

10.2.- Nas competicións oficiais determinarase o equipo campión, de acordo coas normativas que se publiquen en cada tempada deportiva.

10.3.- No caso de empate de dous equipos en número de puntos, nunha competición oficial a dobre volta, a clasificación farase segundo a seguinte orde prioritaria:

- O mellor clasificado será o equipo que sume máis puntos nos encontros entre ambos.
- O mellor clasificado será o equipo que teña unha maior diferenza de goles entre ambos.
- O mellor clasificado será o equipo que teña maior diferenza de goles no cómputo xeral
- O mellor clasificado será o equipo que marque maior número de goles.
- En caso de persistir o empate, e só no caso de que sexa necesario para a clasificación para unha competición posterior, realizarase un novo partido de desempate con prórroga e en caso de persistir o empate recorrerase á morte súbita.

10.4.- En caso de empate, en número de puntos, entre máis de dous equipos, en competicións a dobre volta, farase a clasificación segundo a seguinte orde correlativa:

- O mellor clasificado será o equipo que sume máis puntos nos encontros disputados entre eles.
- O mellor clasificado será o equipo que teña maior diferenza de goles no cómputo xeral de goles.
- O mellor clasificado será o que marque maior número de goles.
- En caso de persistir o empate lanzaríanse penaltis até desfacer o empate

10.5.- En Caso de empate a puntos entre equipos de categorías inferiores (Alevín, Infantil e Cadete), a clasificación realizarase mediante 2 partidos a ida-volta (por sorteo), entre os implicados, onde os partidos non poderán acabar en empate, podendo haber unha prórroga e penaltis.

10.6.- Play-Offs. Disputaranse ao mellor de tres partidos (no caso da 2ª División ao mellor de 2 partidos), polo que non haberá posibilidade de empate. En cada partido haberá un gañador.

10.7.- Se unha vez finalizado o tempo regulamentario de xogo dun partido, e fóra necesario segundo as normas de cada competición, tras 5 minutos de descanso, xogarase un tempo de prórroga, que constará de dous períodos de 3 minutos de xogo real cada un, con dous minutos de descanso entre período, para que os equipos efectúen o cambio de campo. Finalizados os dous períodos da prórroga en caso de persistir o empate, logo de 1 minuto de descanso, lanzarase unha quenda de lanzamentos desde o punto de penalti, 5 cada equipo, caso de rematar en empate seguiranse lanzado de un en un até que se desfaga o empate.

11.- CONDICIÓNES TÉCNICAS.

11.1.- Nos encontros de Liga Territorial a duración do xogo será de catro períodos nos que se determinará a duración segundo a normativa particular de cada competición con intervalos de dous minutos entre o primeiro e o segundo período e entre o terceiro e o cuarto e cinco minutos entre o segundo e o terceiro. Para as categorías cadete, infantil, os intervalos entre todos os cuartos será de 2 minutos. Para la categoría Alevín, os intervalos será de 1 minutos, excepto entre el o terceiro e o cuarto que será de 2 minutos. Os equipos disporán

de tres tempos mortos. A súa petición e duración será de acordo coa regulamentación da RFEN.

11.2.- Lémbrese que ao primeiro adestrador do equipo atacante permíteselle moverse en calquera momento até a liña de 5 metros.

11.3.- O balón utilizado será o seguinte para cada categoría:

- Categoría alevín: balón de mini water-polo (TURBO 3 ou similar) cunha circunferencia de 560-580 mm e un peso de 300-320 gramos.
- Categorías infantil: o balón será o de categoría junior (MIKASA 6009; TURBO 4 ou similar) cunha circunferencia de 650-670 mm e un peso de 300-320 gramos.
- Categoría feminina: o balón será o de categoría women (MIKASA 6009 W; TURBO 4 W ou similar) cunha circunferencia de 650-670 mm e un peso de 400-420 gramos.
- Categorías cadete, xuvenil e absoluta masculina: o balón será MIKASA 6000; TURBO 5 ou similar.

12.- ACTAS.

12.1.- O equipo organizador facilitará ao xurado o acta oficial e os árbitros levantarán acta por triplicado, entregándose un exemplar ao finalizar o partido a cada equipo.

12.2.- Na acta deberán asinar, antes do comezo do partido, o Delegado de Campo e os Capitáns de ambos os equipos. Estas firmas darán fe dos datos que figuran relativos aos xogadores, adestrador e delegado dos seus respectivos equipos (nome, número de licenza, ano de nacemento, etc.), sendo responsables os asinantes de calquera anomalía nos datos que se refiren ao seu equipo.

12.3.- Aínda no caso de incomparecencia dun ou ambos equipos, ou ben se se suspendese o partido por calquera outra causa, deberase estender a acta correspondente, facendo constar no anexo da mesma os motivos que levan a determinar a suspensión.

12.4.- No caso de ter que elevar un informe por incidente, o árbitro poderá facer constar en INCIDENCIAS, unicamente "SEGUE INFORME", redactando o mesmo nas VINTE E CATRO HORAS seguintes, e remitíndoo ao Comité de Competición, o cal se encargará de pór en coñecemento dos dous equipos o citado informe e solicitar dos mesmos información dos incidentes relatados, se así o estima oportuno.

12.5.- No apartado correspondente da acta deberá facerse constar o número de licenza dos xogadores para a tempada en curso. En todo caso, se xurdise algunha dúbida, o árbitro encargárase de que os xogadores acrediten de forma indubidable a súa personalidade e demais datos. Así mesmo, encargárase de recoller a sinatura do deportista no caso de que este non figure na relación oficial nin teña ficha, na alínea INCIDENCIAS, comprobándose posteriormente a veracidade dos datos.

12.6.- As actas deberán ser confeccionadas respectando a observancia das seguintes normas:

- a) Redactar a acta de forma breve, concisa e lexible.
- b) Apuntar nela todo incidente ou reclamación (ou significar SEGUE INFORME).
- c) Recoller todos os datos necesarios para coñecer o incidente.
- d) Non facer cualificacións do suceso, limitándose a reflectir no acta o feito ocorrido e o resultado das comprobacións, se as houbera.
- e) En caso de insulto a xogadores, árbitros, técnicos, etc., facer constar exactamente o tipo de insulto.
- f) O clube deberá facer chegar á FEGAN copia da acta o máis axiña posible, como máximo 48 horas logo de terse celebrado o encontro.

13. ARBITRAXES.

13.1.- O xurado mínimo deberá estar composto por dous árbitros e tres auxiliares de mesa nas categorías absoluta, xuvenil e cadete, e por un árbitro e dous auxiliares de mesa nas categorías infantil e alevín. Para a Liga Absoluta Masculina poderase convocar a criterio do CGA un xurado mínimo dun árbitro e tres auxiliares de mesa.

13.2.- Os árbitros e auxiliares para os partidos serán nomeados pola FEGAN a través do C.G.A. En todas as

competicións territoriais será obrigatorio a dobre arbitraje, excepto nos casos de forza maior, nos que se celebrará o partido cun só árbitro, sempre e cando este considere que o encontro pode levarse a cabo nesas condicións e ámbolos equipos estean de acordo.

13.3.- Os erros técnicos dos árbitros serán resolto polo COMITÉ GALEGO DE ÁRBITROS, que informará das resolucións adoptadas ao Comité de Competición e ao responsable técnico da FEDGAN.

13.4.- Crearase a figura do avaliador de árbitros nos partidos para establecer unha puntuación a estes, debéndose contar coa súa presenza como mínimo nos campionatos oficiais de categoría absoluta, xuvenil e cadete.

14. COMITÉ DE COMPETICIÓN.

14.1.- Para resolver as incidencias que poidan producirse nas competicións territoriais, actuará o Comité de Competición da FEDGAN (xuíz único), o cal se rexerá polo Regulamento de WP da FINA, Regulamento da División de WP da RFEN, Regulamento Xeral da RFEN e Regulamento Xeral e Normativa de WP da FEDGAN.

14.2.- Aos efectos da competición, recórdase que as sancións do Comité son de efectos inmediatos.

14.3.- A suspensión aplicarase en calquera partido que se xogue a continuación segundo calendario inicial, debendo cumprirse na categoría en que se produciu a sanción (excepto no caso de sanción grave e cambio de categoría, que deberá cumprir a sanción na súa totalidade, aínda na nova).

14.4.- Para as súas resolucións o Comité de Competición utilizará as actas dos partidos e, no caso de que os houbera, os informes arbitrais.

14.5.- As resolucións adoptadas faranse chegar aos Clubes da forma máis rápida posible, adiantando a comunicación telefonicamente se se estimase oportuno.

14.6.- Coa mesma data a FEDGAN enviará ao Comité de Árbitros aquelas sancións pendentes de cumprir, aos efectos oportunos.

15.- OBRIGAS DOS CLUBES.

15.1.- O clube organizador en cada partido, deberá ter preparado o campo de xogo regulamentario, polo menos 30 minutos antes da hora sinalada para o comezo do mesmo. Todos os membros dos equipos deben ir acreditados (carné federativo para menores de 14 anos sen DNI, DNI orixinal ou fotocopia compulsada do mesmo, ou carné de conducir).

15.2.- Deberá dispor de todo o material necesario para o desenvolvemento do encontro, segundo o Regulamento RFEN vixente. Haberá un mínimo de tres balóns para o partido, que serán revisados polo árbitro, así como tres cronómetros para o control dos tempos, campá para avisar o último minuto e as bandeiras regulamentarias de mesa.

15.3.- A FEDGAN facilitará aos clubes a acta oficial para a súa entrega ao xurado en cada encontro do que sexan organizadores.

15.4.- O clube organizador (e entenderase como clube organizador o que figure en primeiro lugar no encontro), debe velar pola seguridade dos membros do xurado, así como dos compoñentes do equipo contrario, etc., sendo obrigatoria pola súa banda a presenza dun Delegado de Campo (ou persoa que asuma as súas funcións). Durante o partido procurarán por todos os medios ao seu alcance, que non se produzan incidentes de ningunha clase, cortándoos na medida das súas posibilidades.

15.5.- Así mesmo o Delegado de Campo deberá protexer ao xurado, así como aos compoñentes do equipo contrario, etc., e debe coidar de que os árbitros poidan efectuar os seus labores sen interferencias estrañas, atendendo en todo ás súas indicacións. O Delegado de Campo situarase a carón da mesa do xurado.

15.6.- O Delegado de Campo coidará de reprimir os insultos. Coidará así mesmo de controlar, dentro das súas posibilidades, a actitude do público. En caso de incidentes, o árbitro deberá facer constar na acta a actuación do Delegado de Campo.

15.7.- Se a actuación do Delegado de Campo non fose correcta, o árbitro presentará informe do mesmo ao Comité de Competición.

15.8.- En caso de incidencias, calquera dos clubes que disputasen o partido, poderán manifestar por escrito as

alegacións que estimen oportunas; estas deberán remitirse por escrito á FEGAN até as 14.00 horas do martes seguinte á celebración do partido, non admitíndose as presentadas fóra de devandito prazo. Se un dos equipos observa algunha irregularidade, deberá comunicalo ao árbitro antes de que os xogadores e os equipos abandonen a instalación para que poida ser apuntada na acta.

15.9.- En concepto de gastos de arbitraje (actuación), cando corresponda, os clubs abonarán por anticipado á celebración do encontro, o importe do xurado.

15.10.- Todo o non reflectido neste Regulamento, rexerase polo da División Nacional de Wáter-polo da RFEN.

16.- SEGURIDADE.

16.1.- Os xogadores absteranse de levar pulseiras, aneis, pendentes ou calquera outro tipo de elemento que poida ocasionar feridas ou lesións a outros compañeiros ou a el mesmo durante o xogo.

16.2.- Antes de cada encontro os xogadores dos dous equipos formarán nun lateral do campo onde serán revisados polos árbitros. Logo da revisión os árbitros situánsense entre os dous equipos e tras saudar ao público darán comezo ao encontro.

17.- RÉXIME ECONÓMICO.

Os gastos xerados polas competicións distribuiranse como segue:

LIGA GALEGA DE WÁTER-POLO COPA GALEGA DE WÁTER-POLO (FASE PREVIA)	
Dereitos de arbitraje	Clube organizador
Dietas árbitros	FEGAN
Quilometraxe árbitros	FEGAN
Xurado Auxiliar e outros gastos de organización	Clube organizador
Trofeos	FEGAN
CAMPIONATOS GALEGOS FASE FINAL COPA GALEGA DE WATERPOLO	
Dereitos de arbitraje e avaliadores	Reparto entre Clubs participantes
Dietas árbitros	FEGAN
Quilometraxe árbitros	FEGAN
Xurado Auxiliar e outros gastos de organización	Clube organizador
Trofeos	FEGAN
Medallas se as houbera	FEGAN

18.- TROFEOS CLUBES.

Nos Trofeos e demais competicións organizadas polos clubs, estes correrán con todos os gastos da organización.

A Coruña, 8 de Xullo de 2011

Secretaría Xeral FEGAN

FEDERACIÓN GALEGA DE NATACIÓN

Impreso de solicitude de aprazamento

CLUBE SOLICITANTE:

DATA DE SOLICITUDE:

DATA INICIAL DO ENCONTRO A APRAZAR:

ENCONTRO:

DATA E HORA PROPOSTA:

PISCINA:

Responsable da solicitude:

Licenza nº:

Sinatura e selo do Clube solicitante (nos envíos por correo electrónico isto non é necesario)

Responsable polo Clube que acepta o cambio:

Licenza nº:

Sinatura e selo do Clube que acepta o cambio (nos envíos por correo electrónico isto non é necesario)

As solicitudes presentadas por correo electrónico deberán ser remitidas dende correo oficial do Clube.
As solicitudes presentadas por fax poderán ser remitidas por ambos clubs de xeito independente. Cada clube remitirá unha solicitude cos seus datos, sinatura e selo correspondentes

Os Clubs arriba asinantes acordan o cambio recollido neste impreso A EXPENSAS DE CONFIRMACIÓN POLA FEGAN da súa aceptación, INCORPORANDO, se procede a taxa correspondente á FEGAN

MODIFICACIÓN DATA	Ata 15 días antes	Con conformidade	Sen cota
	Entre 15 e 7 días	Con conformidade	60 € *
	Menos de 7 días	NON SE ADMITE CAMBIO	
MODIFICACIÓN HORARIO	Ata 15 días antes	Con conformidade	Sen cota
	Entre 15 e 7 días	Con conformidade	30 € *
	Menos de 7 días	NON SE ADMITE CAMBIO	

* (Regulamento Xeral – Libro III, Art 7.I.1 c e Art. 9.III c)

Resolución da FEGAN: